



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS
*manè discutienda in Scholis Medicorum, die Jovis vigesima-tertia
mensis Februarii, anno Domini M.DCC. LXXXVI.*

M. CLAUDIO-JOSEPHO GENTIL, Militarium Nosocomiorum ad Regis Exercitum Medico, Doctore Medico, Præside.

An lactis Stasis Drafrica?

I

UNICUS est omnibus vitæ terminus: sed mille patent ad tumulum aditus. Uniuscujusque nostrum non eadem urna fatum movet, suamque signat victimam morbus quique lethi minister.

Fœminarum præsertim lugenda conditio: dum enim in illas morborum quibus objecti sumus vis & sævities debacchatur, suis nihilominus torquentur ærumnis, duplici velut sub pondere fatiscences: ita ut, quod fecit amabilis natura, fecerit simul & miserabilis. Vix florente juventâ, cachexiâ vel chlorosi tentatur puella, variisque obruitur incommodis à menstrualis purgatione oriundis. Mox,

B

virginei pertæsa floris, conjugis in amplexus gessit convolare, dulcesque optat natos, Veneris & præmia noscere. Sed quanto pretio sæpius emitur matris nomen? quot noxas infert graviditas, puerperium, infantium lactatio, vel potius nostris designatum temporibus lactandæ prolis munus? Grave scilicet malum infirmitati vestræ superadditis lubentes, o quæcumque, sanctissimum abnuentes maternitatis officium, vestro non nutritis lacte, vestro quos procreastis sanguine. Vosmet-ipsas igitur, non naturam incufate, quando retropulsi humoris lactei effervescentiâ discruciamini. Quidquid accidit tunc pessimi, vestrum est. Sed quid ego?... Numquid obliviscar ad id duntaxat informari virum Medicum, ut spargat solatia, humanisque miseriis quantum potis est levamen afferat? Satis ergo nobis sit, si drastrictorum ope tutò debellari stales lacteas probaverimus.

I I.

NONDUM in lucem prodiit infans: nondum virale stadium vagitibus & lacrymis auspicatus est, cùm jam illius conservationi prudens natura consulit. Pauperculi nimirum egestatem miserata, dulcissimas huic dapes, opimam lactis annonam materno in sinu paravit. Sed utinam illud oculis nostris frequentius obversaretur, quod his in terris venerabilis spectari potest: utinam recens nato ubera sua porrigeret quæque mater, ut indè puros, molliter ille premens eliceret latices, vitæque subsidium, conviva dilectissimus, hauriret.

Jam verò, cuiuslibet rem medicè pendenti, manifestò apparebit, reciprocam, lactationis ope, institui nurricem inter & alumnum beneficii velut mutationem. Sic utrique florens ac vegeta conciliatur valetudo. Verùm, si tam dulci, tamque utili se subducant commercio matres, tunc in illarum vertitur perniciem naturæ providentiâ, ultricique obrutæ morborum carervâ, tristibus quandoque poenis suam luunt impietatem. Cùm enim blandi succus irritatione, lacteus ad mammas non accersitur humor, intus æstuat ille, carceris impatiens, atque in omnia secretionum organa furibundus irrumpens, quamcumque sibi tentat aperire viam: variis intereâ & quidem gravissimis symptomatibus interni deprehenduntur irarum tumultus. Nunc languent effæti viribus ægrotantes, nunc portentosis veluti somniorum phantasmatibus exagitatæ, repentino terrore contremiscunt. Mens illis anxia, mœrens animus. Continuo mammarum, capitisque dolore gravantur. Adest insuper oedematosæ cutis albedo, potius quam pallor, viresque suas hosti expellendo impendere naturam satis testantur pulsus febrilis, latèque diffusus lactis acrescentis odor. Quid plura? si per sutores & alvinas dejectiones lac tandem non disfluat, tunc errabundo veluti cursu defatigatum, varias corporis partes, hospitium quærans, aggreditur; mox debiliorem sui juris facit, ibique sævissimam exercet tyrannidem.

I I I.

VARIOS inter humores qui a sanguine secernuntur, hos voluit natura resarciendæ partium jacturæ, viribusque rescindiendis ex toto impendi, illos, ut inutiles, immò & noxios, omninò eliminari, alios demùm, mixto sortitos utriusque generis conditionem, partim retineri, partim egeri. Jam verò, minutissimam etsi lac è mammis eductum chyli præ se ferat indolem, spectandum nihilominus illud est enixis in mulieribus, humorem tanquàm prorsus exc. eminentium, quo quidem retento malorum sobolescit ilias. Sed quam multiplices Procreant, ille formas induit, quamque diversâ quascumque corporis partes obsidione premit!

Nunc obstruens contermina membranæ vasa, pertinacem laryngis aut bronchiorum pignit cataractum: nunc intimum pervadens glandularum parenchyma secretorios illarum ductus stagnando præcludit; & quid indè? prominet primum ad cutim tumor exiguus: paulatim ille, aucto caloris dolorisque sensu, distenditur: peractâ verò, congestæ materie coctione, cum nullis propter genuinam partium fabricam excretioni pateat aditus, mox in ipso obstructæ glandulæ centro disrupta vasa, ibidem purulentam evomunt lactis illuviem, quæ quidem acrior in dies evadens, carceris sui erodit parietes, donec extrorsum erumpat. Neque solas credideris fœmineo in corpore membranas aut glandulas, tantis esse vexationibus obnoxias. Ex eâdem torpescens lactis depravatione, sæviunt etiam in musculos rheumatismus, arthritis in articulos, acutissimique ipsas in ossium medullas dolores. Nulla tandem causa plures, flebiliorefque parit effectus, nulla proindè Medicorum sagacitatem, industriamque citius exposcit.

I V.

COGNITIS morborum de quibus hic agitur naturâ, causisque, superest ut illis profligandis congrua adhibeatur Therapeia. Porro cum in lacteis, sicut in serosis stasibus, eò præsertim omnis debeat curandi ratio collimare, ut occisimè per alvum stagnantis evacuetur humoris congeries, nulla sanè hunc scopum feliciter attingunt Pharmaca, quam quæ, propter illam quâ possent energiam, drastica dicuntur. Herculeo scilicet quando opus est conamine, ut altè infixi eruantur mali radices, quid ex illis, quæso, benignæ indolis, sperandum medicaminibus, quæ irrecuo velut tactu, intimas tantum allambendo intestinorum tunicas, illis obductam vix secum queunt trahere saburram? Plus sanè nocent quàm profunt. Dum enim, illa in usum advocando, pretiosum teritur tempus, morbus ingravescit, moxque irritam artem ridet inexpugnabilis. Drastica verò, tubum intestinale mordicanti vellicando irritatione, variis procul in corporis partibus nidulantes lactis grumulos, hunc in locum felici revulsione arcescunt, repentinâque catharsi eliminant. Cœterum longius hic foret, clinicas enumerare observationes, quibus Praxeos hujus constat efficacia (a).

Sed cum medicaminum vires soli valeant expendere Medici, soli etiam discernere possunt, quibusnam in casibus, quânam dosi, & quonam sint illa præbenda modo. Nec sanè credulum toties deciperetur vulgus, si semper meminisset, optima quæque specificæ ignaras inter manus in venenum immutari.

V.

QUIDQUID in curandis stasibus lacteis conferant drastica, objiciunt nonnulli, majorem fœminis inesse irritabilitatem, nervorumque mobilitatem, quam ut impunè tam acres patiantur stimulos. Ex illâ, inquiunt, quâ ciet catharsim, irritatione, oriuntur ut potissimum spasmus, convulsiones, tormina, quodque pejoris est ominis, ipsarum schirrhoma glandularum.

Fœminas quidem maximâ donari irritabilitate ultro fatemur: sed illam, in omnibus fœminei corporis partibus, eodem intentionis gradu vigere negamus. Tubum enim intestinale, in quem vim suam omnem exerunt drastica, non aded irritabilem esse probat illa quæ in mulieribus post partum deprehenditur alvi

(a) Opus consule cui titulus: *Connoissances nécessaires sur la Grosseſſe, sur les maladies litéuses*, &c. par M^r. Cl. And. GOUVELLY, Docteur-Régent de la Faculté de Médecine de Paris, 1785.

4
pigrities, quandoque talis, ut paralyſi inteſtina percelli credideris. Recedant
igitur ſpaſmi convulſionumque formidines. Glandularum autem, ſi quandoque
ſcarrhoſa ſuperveniat durties, illud ideò fieri certum eſt, quia intempeſtivè,
perfectam ſcilicet antè materiei coctionem adhibita fuere draſtica, omnemque
tunc culpam, non in medicamen, ſed in ipſum medicamentum impingendam eſſe
nemo eſt qui negaverit. Et certè præſtantiffimis quibuſque non eſt valedicendum
remediis, eò quod illa quotidie videamus inconſultò uſurpari.

Ergò lacteis Staſibus Draſtica.

DOMINI DOCTORES DISPUTATURI.

- | | | |
|---|--|---|
| <i>M. Carolus-Jacobus SAILLANT.</i> | <i>M. Eduardus-Franciscus-Maria
BOSQUILLON, Eques, & So-
cietate Medicæ Edinburgenſi,
Profeſſor & Cuſtor Regius,</i> | <i>M. Petrus BERCHER, ari-
quus Facultatis Decanus, Re-
gia Illipharum Infantis, dum
viveret, necnon Regii exerci-
tus ad Infimum Rhenum in ul-
timo bello Medicus primarius.</i> |
| <i>M. Theobaldus NISON.</i> | <i>M. Ludovicus-Carolus-Henricus
MACQUART.</i> | <i>M. Benjaminus-Ludov. LUCAS
DE LAUREMBERT.</i> |
| <i>M. Jacobus - Franciscus DE
VILLIERS, olim Regis
Exercituum Medicus ordina-
rius in Germaniâ.</i> | <i>M. Joannes-Franciscus-Jacobus
ROUSSILLE DE CHAMSERU,</i> | <i>M. Ludovicus - Guillelmus LE
MONNIER, Conſiliarius Me-
dicus Regis ordinarius Prima-
rius, Regiarum Pariſienſis,
Londinenſis ac Berolinenſis
Academiarum Socius, in Horto
Regio Botanices Profeſſor ac
Demonſtrator.</i> |

Proponebat Pariſiis, FRANCISCUS-HENRICUS-THEODORUS COZETTE,
Pariſinus, Saluberrimæ Facultatis Medicinæ Pariſienſis Baccalaureus,
Theſeos Author.

A. R. S. H. 1786. AB OCTAVA AD MERIDIEM.

Typis QUILLAU, Saluberrimæ Facultatis Medicinæ Typographi. 1786,